



542/4-1/21
26-01-2021

წალენჯიხის მუნიციპალიტეტს

როგორც მოგეხსენებათ, საქართველოს პარლამენტის გენდერული თანასწორობის საბჭოს ფარგლებში განხორციელდა თემატური მოკვლევა „**პროფესიული განათლება ქალთა ეკონომიკური გაძლიერებისთვის**“. თემატური მოკვლევის ჯგუფმა შეიმუშავა ანგარიში, რომელიც გამოქვეყნდა 2019 წელს. ანგარიშში მოცემულია რეკომენდაციები კონკრეტული უწყებების მიმართ.

თემატური მოკვლევის „პროფესიული განათლება ქალთა ეკონომიკური გაძლიერებისთვის“ ფარგლებში თემატური მოკვლევის ჯგუფმა შეისწავლა სამთავრობო პოლიტიკა, სტრატეგიები და ადგილობრივი პოლიტიკა ქალებისთვის პროფესიული განათლების ხელმისაწვდომობის კუთხით. თემატური მოკვლევის ანგარიშში წარმოდგენილი მიგნებები ეფუძნება მოკვლევის მრავალმხრივი ჩართულობით წარმართულ პროცესს, რომელშიც გათვალისწინებულია როგორც წერილობითი მოსაზრებები, ისე - საქართველოს პარლამენტში გამართული ორი ზეპირი მოსმენის შედეგები და პროფესიულ განათლებაზე უკვე არსებული კვლევები.

ანგარიშში მოცემულია ის დაბრკოლებები, რომლებიც ხელს უშლის ქალებს ჩაერთონ პროფესიული განათლებისა და გადამზადების პროგრამებში. მიუხედავად იმისა, რომ პროფესიულ განათლებაში ჩართული ქალებისა და კაცების თანაფარდობა მკვეთრად განსხვავებული არ არის (ქალები - 43%), გასათვალისწინებელია რამდენიმე ფაქტორი. ერთი მხრივ, პროფესიული განათლების სფეროში კაცებისთვის მთავარი დაბრკოლებაა ის ფაქტი, რომ პროფესიული სასწავლებლის სტუდენტობა მათ არ ათავისუფლებს სავალდებულო სამხედრო სამსახურისგან და ამის გამო წვევამდელი ასაკის კაცები უარს ამბობენ პროფესიულ განათლებაზე (ან ფორმალურად არიან ჩარიცხული უმაღლეს სასწავლებლებში და პარალელურად ეუფლებიან პროფესიულ განათლებას), მეორე მხრივ, არსებული ბარიერების გამო ქალები არ ერთვებიან პროფესიული სწავლებისა და გადამზადების სისტემაში. აუცილებელია განვასხვავოთ 15-24 წლის გოგონებისა და ზრდასრული ქალების ჯგუფების განსხვავებული მდგომარეობა. ზრდასრული ქალებისთვის ბევრად ხელსაყრელია მომზადებისა და გადამზადების კურსები, მათი ხანგრძლივობიდან და დასაქმებისთვის საჭირო პროფესიის სწრაფად დაუფლების პერსპექტივიდან გამომდინარე.

მოკვლევის ფარგლებში გამოვლენილი მიგნებების შესაბამისად მუნიციპალიტეტების მიმართ შემუშავდა შემდეგი რეკომენდაციები:

1. მიმდინარე დეცენტრალიზაციის სტრატეგიის განხორციელების კონტექსტში აუცილებელია ადგილობრივი თვითმმართველობის როლის გათვალისწინება. კერძოდ, ადგილობრივ დონეზე უნდა გადაიჭრას ტრანსპორტირების, მუნიციპალური

ტრანსპორტის, ბაღების, სკოლებისა და სასწავლებლების ინფრასტრუქტურული საკითხი.

2. საჭიროა ეფექტურად იყოს გამოყენებული ბავშვთა ოთახებზე უკვე არსებული წარმატებული პრაქტიკა (კაჭრეთი, ზუგდიდი) და, ამ მხრივ, მუნიციპალიტეტებმა გამოიყენონ ქალთა ოთახების არსებული რესურსი.
3. საჭიროა დაინერგოს სტიპენდიების პრაქტიკა, რაც მეტად გააძლიერებს გოგონებსა და ქალებს პროფესიის დაუფლების ეტაპზე.
4. აუცილებელია, შეღავათებისა და უპირატესობის მხრივ გათანაბრდნენ უმაღლესი სასწავლებლებისა და პროფესიული სასწავლებლების სტუდენტები, რაც გაზრდის პროფესიული განათლების პრესტიჟს და გააუმჯობესებს სტუდენტების სოციალურ მდგომარეობას.
5. პროფესიული სასწავლებლებისთვის აუცილებელია დუალური პროგრამების დანერგვა (ბიზნესთან თანამშრომლობით), საერთო საცხოვრებლის ქონა, ფიზიკური ხელმისაწვდომობა (ფილიალები), რათა უფრო მიმზიდველი გახდეს პროფესიული განათლება.

გარდა ზემოაღნიშნულისა, საქართველოს პარლამენტის ადამიანის უფლებათა დაცვისა და სამოქალაქო ინტეგრაციის კომიტეტის ფარგლებში განხორციელდა თემატური მოკვლევა **„შეზღუდული შესაძლებლობის მქონე ქალებისა და გოგონებისთვის ჯანდაცვის სრვისების მისაწვდომობის შესახებ“**. თემატური მოკვლევის ჯგუფმა შეიმუშავა ანგარიში, რომელიც გამოქვეყნდა 2019 წელს. ანგარიშში მოცემულია რეკომენდაციები კონკრეტული უწყებების მიმართ.

თემატური მოკვლევის ჯგუფის მიზანი იყო სამთავრობო და ადგილობრივი თვითმმართველობის მიერ დაფინანსებული ჯანმრთელობისა და სოციალური დაცვის პროგრამებში შეზღუდული შესაძლებლობის მქონე ქალებისა და გოგონების ჩართულობისა და არსებული სამედიცინო მომსახურებების შესწავლა, რათა ხელი შეეწყოს შშმ ქალებისა და გოგონების ჯანმრთელობის უფლების სრულყოფილ რეალიზაციას. ამასთანავე, მოკვლევის ფარგლებში შშმ ქალებისა და გოგონების მიერ გამოვლინდა ის სერვისები თუ პროგრამები, რომლებიც მათი ავტონომიურობის მაქსიმალურად მაღალი ხარისხის მიღწევას შეუწყობს ხელს და უზრუნველყოფს მათი ჯანმრთელობის უფლების სრულყოფილ რეალიზაციას. მოკვლევის შედეგად შემუშავდა მთელი რიგი რეკომენდაციები და წინადადებები საქართველოს საკანონმდებლო და აღმასრულებელი ხელისუფლების ორგანოებისთვის. ასევე გამოიკვეთა მიგნებები ადგილობრივი თვითმმართველობების ორგანოების საქმიანობასა და პრიორიტეტებთან დაკავშირებით.

მოკვლევის ფარგლებში თქვენი უწყების მიმართ შემუშავდა შემდეგი რეკომენდაციები:

1. განხორციელდეს სატრანსპორტო საშუალებათა და საგზაო ინფრასტრუქტურის ადაპტირება შეზღუდული შესაძლებლობის მქონე პირებისთვის, საჭიროების შემთხვევაში კი ამ პირთა ინტერესების გათვალისწინებით შეიძინონ ახალი სატრანსპორტო საშუალებები.
2. დაინერგოს შეზღუდული შესაძლებლობის მქონე პირებისათვის სივრცის მოწყობის პროცესში ეფექტური აღსრულებისა და ზედამხედველობის მექანიზმი. მისაწვდომობის უზრუნველყოფის მიზნით, კანონმდებლობისა და პროგრამების შემუშავებისას ცენტრალურ და ადგილობრივ დონეზე მაქსიმალურად იქნეს

უზრუნველყოფილი შეზღუდული შესაძლებლობის მქონე პირთა, მათ შორის ქალების ჩართულობა.

3. შემუშავდეს მხარდამჭერი პროგრამები შშმ პირების ოჯახის წევრებისთვის.
4. მუნიციპალური სპორტული დარბაზები მოერგოს უნივერსალური დიზაინის პრინციპს.
5. ღია ცის ქვეშ არსებული მუნიციპალური სპორტული კუთხეები (ე.წ. სპორტული დარბაზები ღია ცის ქვეშ) მოერგოს უნივერსალური დიზაინის პრინციპს.

მოცემული რეკომენდაციების შესრულების მონიტორინგის მიზნით, საქართველოს პარლამენტის რეგლამენტის 148-ე მუხლის პირველი პუნქტის საფუძველზე, მოგმართავთ თხოვნით, მოგვაწოდოთ სრულყოფილი ინფორმაცია თვითოეული რეკომენდაციის შესრულების მიზნით რა ღონისძიებები განახორციელა უწყებამ თავისი კომპეტენციის ფარგლებში. ასევე გთხოვთ, მიუთითოთ ის რეკომენდაციები რომელთა შესრულებაც რელევანტური აღარ არის, ვინაიდან შესაბამისი არგუმენტაციის გათვალისწინებით არ არის მიზანშეწონილი ან/და სხვა ტიპის ღონისძიებებით უკვე მიღწეულია დასახული მიზანი. ასევე, გთხოვთ, გვაცნობოთ ის შეუსრულებელი რეკომენდაციები, რომლებზეც უწყება სამომავლოდ გეგმავს მუშაობას.

დანართი:

(1) „პროფესიული განათლება ქალთა ეკონომიკური გაძლიერებისთვის“ თემატური მოკვლევის ანგარიში - 37 (ოცდაჩვიდმეტი) გვერდი.

(2) „შეზღუდული შესაძლებლობის მქონე ქალებისა და გოგონებისთვის ჯანდაცვის სერვისებზე მისაწვდომობის შესახებ“ თემატური მოკვლევის ანგარიში - 70 (სამოცდაათი) გვერდი.

პატივისცემით,

პარლამენტის წევრი
ნინო წილოსანი





საქართველო
წალენჯიხის მუნიციპალიტეტის
მერია
GEORGIA
CITY HALL OF TSALENJIKHA
MUNICIPALITY



5200 ქ. წალენჯიხა, კ. სალიას ქ.#5. ტელ: 571 17-00-17 599 85-72-20
5200 K.Salia st. #5. Tsalenjika, Georgia Tel: 571 17-00-1 599 85-72-20
www. tsalenjika.gov.ge E-mail. tsalenjikhameria@tsalenjika.gov.ge



KA000032528485521

№ 01/256

08 / თებერვალი / 2021 წ.

საქართველოს პარლამენტის წევრს ქალბატონ ნინო წილოსანს

ქალბატონო ნინო,

თქვენი წერილის 542/4-1/21 26-01-2021 პასუხად გაცნობებთ, რომ თემატური მოკვლევის „პროფესიული განათლება ქალთა ეკონომიკური გაძლიერებისათვის“ ფარგლებში, წალენჯიხის მუნიციპალიტეტის ქ. ჯვარის სსიპ კოლეჯი „ლაკადა“ სასწავლებელში ხორციელდება შემდეგი პრიორიტეტული პროფესიული საგანმანათლებლო პროგრამების განხორციელება:

კულინარიის ხელოვნება, მეხილეობა, კომპიუტერული ქსელები და სისტემები, საფინანსო სერვისები, იატაკისა და ფილის სამუშაოები, კედლის დაფარვის სამუშაოები, სამკერვალო ნარმოება, ელექტრობა - მესამე დონე, ელექტრობა - მეოთხე დონე, ინფორმაციის ტექნოლოგია.

უნდა ითქვას, რომ სასწავლებელში ჩართული 52 ქალიდან ასაკობრივი დაყოფის მხრივ რაიმე პრიორიტეტები გათვალისწინებული არ არის.

პროფესიული განათლების ხელმისაწვდომობისათვის დღემდე გამომწვევად რჩება სტუდენტთა საერთო საცხოვრებელი და სტუდენტების ტრანსპორტირება.

ასევე გაცნობებთ, რომ წალენჯიხის მუნიციპალიტეტში ბავშვთა და ქალთა ოთახები არ ფუნქციონირებს. არ არის დანერგილი სტიპენდიების გაცემის პრაქტიკა.

„სამხედრო ვალდებულებისა და სამხედრო სამსახურის შესახებ“ საქართველოს კანონში შეტანილი ცვლილება, რომელიც პროფესიული სასწავლებლის სტუდენტს აძლევს შესაძლებლობას გადაავადოს სამხედრო სამსახურში განწვევა, დადებითად აისახა სასწავლებელში მომართვიანობის გაზრდასთან დაკავშირებით.

წალენჯიხის მუნიციპალიტეტში შშმ პირებისათვის ადაპტირებული მუნიციპალური სატრანსპორტო საშუალებათა შეძენა მხოლოდ მომავალ პროექტებში იქნება გათვალისწინებული, ხოლო რაც შეეხება საგზაო ინფრასტრუქტურას, ბოლო დროს განხორციელებული პროექტებით მაქსიმალურად მორგებულია შშმ პირთათვის.

სამუხაროდ, შშმ პირებისათვის სივრცის მოწყობის საკითხი ჯერაც გადაუწყვეტელია.

შშმ პირების ოჯახის წევრებისათვის თითოეულ ბენეფიციარზე ხდება 100 ლარის ჩარიცხვა სიღარიბის ზღვარს მიღმა მყოფი ოჯახების მონაცემთა ერთიან ბაზაში 100000-ზე დაბალი სარეიტინგო ქულით დარეგისტრირებულ პირებს, ყოველთვიურად უნაღდო ანგარიშსწორებით.

სპორტული დარბაზებს ესაჭიროებათ სრული რეაბილიტაცია, მისი რეაბილიტაციის შემთხვევაში შესაძლებელია პროექტში შშმ პირებისათვის უნივერსალური დიზაინის ჩართვა, ხოლო ღია ცის ქვეშ არსებული მუნიციპალური სპორტული მოედნების უმრავლესობა მორგებულია შშმ პირთა საჭიროებებს.

დღეის მდგომარეობით შშმ პირთა მხარდამჭერი ღონისძიებები, რომლებიც რეგულარული უკვე არ არის, არ გაგვიჩნია. ასევე, გარდა ზემოთ დასახელებული საგზაურო პროექტებისა (სივრცითი მოწყობა, სპორტული დარბაზის რეკონსტრუქცია, საგზაო ინფრასტრუქტურა), სხვა პროექტები გათვალისწინებული ამ ეტაპზე არ გვაქვს მუნიციპალიტეტის მნიშვნელოვანი ბიუჯეტიდან გამომდინარე.

პატივისცემით:

წალენჯიხის მუნიციპალიტეტის მერი

ხელმოწერა/
შტამპი
ელექტრონულად



ბესიკ ფარცვანია